

向道人

湖州沈惟心慈善多陰德其家園囿最勝慶元中有一人青布巾袍形狀奇異徑入園內守者急白主人覓之不見但於後亭壁間題詩一章曰萬里來遊蜀道長杖藜間翫百花莊誰家雞犬于家市中有神仙一鳥藏乳燕鳩鳩春自在落花飛絮水微茫主人了卻明靈事向此重開綠野堂末書向道人作或云向者回字之轉必呂帝也

化呂惠卿

海陵徐神翁得仙道知人休咎賓客滿門呂惠卿往謁之適有道人踞上坐不起頗以語侵惠卿惠卿拂然曰子何人斯道人

道藏輯要

聖蹟紀要

五

壁集五  
××××

答云吾與若同族乃布香爐灰於地畫灰作一詞曰鼎裏坎離壺中天地滿懷風月一吸虛空塵寰裏何人識我開口問洪濛雲中三弄笛岳陽樓外天遠霞紅笑騎黃鶴暫過海陵東拂袖呵呵歸去變和玉佩風響喬松君若要知吾蹤跡試與問仙翁書畢拍手大笑而去不知所之惠卿問徐徐曰卽呂帝也惠卿始悟同族之說追悔莫及

天慶繪像

真州天慶觀知觀常敬仰呂帝一日發心欲塑帝像俱奉匠人失期不至知觀怒甚忽一秀才來投宿詰知觀何愠知觀告以故士勸曰某善塑休動心來日塑以結緣知觀怒少解至夜醉

卧曙起覓土早齋已逸去正嗟歎間忽雨三道眾來云廊下祠堂內誰塑一呂帝像知觀驚異往觀塑像神彩清竒收一足端坐非凡手所能眾驚喜醮謝之後有所禱無不感應三遭回祿其像獨存事載觀中碑記

### 遊寒山寺

蘇州閶門外十五里有寒山寺呂帝托呂姓秀士往遊適夜風驟作刮動塔上銅鈴晨獨未止寺僧與帝君茶話聞言及夜來鈴鐸惱人僧戲曰君是呂先生曷不立禁其響帝君笑而不遙吹烝禁之鈴果絕響僧驚訝仰觀回顧帝君已不見方省眞呂先生也後僧易以新鈴終不復響

### 道藏輯要

聖蹟紀要

完

壁集五

### 衡山度僧

衡山僧智玄張其俗姓也一日遊本山紫蓋峯之修真院遇呂帝共話機鋒敏捷契合大旨帝君因詢法華經云釋迦佛與多寶佛入塔融會紫金榻上不分左右係說何事僧不能答遂作禮請問帝君曰此佛祖正法眼藏真相空實教外心傳之妙二佛融會性命雙修也不分左右體一太虛也汝執一邊以見性爲能了何其偏乎僧再拜求點化帝君遂授以密旨僧歎曰不遇眞師幾誤此生帝君因贈一詩云得道純陽七百年五湖四海任風流此身已出三千界一日須遊數十州醉倒清風明月夜踏翻紅蓼白蘋洲禪門衲子休相笑我在華嚴最上頭詠畢